

季世樓詩存

三

華 訖 樓
二 杓 續
編 二 齊

丙辰十月刊于滬
上獨山莫棠敬署

花近樓詩存續編卷一

貴陽陳夔龍筱石

甲寅集

元旦口號

出海雲霞曙色騰
烘窗晴旭硯融冰
貂裘敝黑情猶戀
蠅楷書紅老尙能酌
我惜無千日酒
親人喜有隔年鐙
鳴珂久斷朝元夢
夢到橋山最上層

淩澗苔方伯除日寄到 崇陵

圖全冊

東夢華疊前韻

筆綵干雲氣象騰
心盟似水玉壺冰
神明清議吾滋疚

丙疾神明外慚清議曾文正公官北洋時致京朝士道
大夫函中語也余昔歲督直時艱無補有愧前賢
德文章爾最能寶鏡無情催白髮舊書有味伴青鐙當
年雁塔題名處拾級輸君第一層

得汲侯天津電書三疊前韻

雲函合借電光騰遙想丁沽未泮冰袖手觀棋君有識
徙薪曲突客何能梁間舊燕驚移壘橋上啼鵲喚買鐙
花近今宵指望眼如迷藏海霧千層

以詩壽大兄青島四疊前韻

骨相鳶肩火色騰頭銜清過一條冰劫因歷盡何妨隱
吏到循時不尙能詩寄正傾人日酒籌添初試上元鐙

成丹自有長生訣曾在勞山第一層

前詩甫發又成一律用上年生朝酬唱韻

飴弄喜看孫繞膝經傳更慶子同生西山膏澤簾前雨
南海陽春柳外旌千里鄉心華表鶴十年舊夢上林鶯
最難江漢謳思永萬口刊碑有定評

人日游愚園柬夢華笏卿

客路尋芳信馬蹏名園綠水瀟城西樓臺歌管千聲沸
楊柳春旂一色齊問卜未妨高士隱捲簾不放夕陽低
草堂詩老吟應健人日懷人借舊題

思歸疊前韻

關山磨盡鐵輪蹄憂患重經日易西金谷春宵生若寄
漆園秋水物難齊數聲清磬禪心寂一角殘棋國手低
仕宦卅年行萬里長橋歸羨長卿題

青袍引

并序

光緒三十四年戊申十月二十一日驚聞 德
宗景皇帝龍馭上賓時在武昌節署恭詣 行
宮朝夕哭臨百日屆滿例著青袍治事越歲已
酉十月移任北洋於良各莊叩謁 梓宮猶服
之以行禮未幾而中原多故矣滄江臥病此袍
久藏篋笥客臘凌潤苔方伯寄到 崇陵全圖

敬謹拜觀祇益哀慟適檢敝篋忽睹故物爰命
縫人紉作春服藉寓沒世不忘之意長歌代哭
未足爲他人道也時甲寅正月立春日

昔挂衣冠神武門滄江臥病忘朝昏攀馭青袍猶在笥
摩挲拂拭飛心魂 崇陵全圖驚過眼八駿西巡不復
返昇仙無分落人間悽絕淮南舊雞犬龍飛恩榜話
先皇白袍來趁槐花黃宦途閱歷三十載金貂紫綬皆
恩光虞淵日落天地裂 弓劍橋山永訣別朝班青瑣
泣鵷行百官縞素無顏色爾時持節黃鵠磯江城雲黯
風淒淒此袍曾染杜鵑血遯聽千山子夜嘯北來謁

帝憑玉几我猶著之度易水香羅細葛拜宮衣從此弃
藏篋笥裏 今皇嗣服年幼沖委裘負展明堂中袞職
誰侔仲山甫門鑰吾慚寇萊公金甌一擲初衣遂太息
軒裳紛破碎此日筠箱疊疊痕當年蘆殿行行淚發篋
呼僮熨帖忙適體惟應稱短長留伴煙蓑無限綠不堪
星鬢已成蒼袍亦善能解人意改作豈共緇衣敝一盂
麥飯又清明夢裏行色 西陵去

上元日劉聚卿京卿招飲楚園賦贈一首

十日春始歸條風扇羣動客邸逢上元塵事謝倥傯楚
園肆筵席嘉招荷矜寵素心三五輩有如盤聚永雜坐

謀醉歡遑恤酒價涌半酣出所藏世家貌骨董宋槩與
元鑄百城書坐擁大小兩忽雷穆若雙璧拱更有雁足
鐙黃山第四種各各驚創見頓飽饞眼孔亟浮一大白
兩頰赤雲滃昔歲掌門鑰度支事尤飭君適銜命來
羣吏先震恐而乃持大體但除蔽兼壅網舉目自張一
一底脫桶人佩陶桓精我愛絳侯重黃鵠忽高翔甯作
蠶在蛹無何大錯成河山勢失鞏楚難首發端吳顛不
旋踵直沾正上冰潮來風不洶完此一寸土日隕心猶
捧乞病臥江湖流急慚退勇淞濱遇故人喜三百曲踊
江南春正好毋須梅寄隴高齋一尊酒夕陽照朱棋坐

中盡詩豪鬪句肩漫漫當門柳青青侵階草萋萋隨意
適所適齊物視林總毀譽等浮雲功罪鑒作俑燕子春
鐙謎舊人幾供奉回首津橋鵲聞聲毛髮竦前度感劉
郎斯語匪鑒空

卽事三疊前韻

筆露和煙寫赫蹏燭花紅溼小窗西瞻由詩記聯牀說
梁孟眉欣舉案齊作客天涯心自遠思鄉月下首頻低
風塵敢詡知人鑑佳士由來費品題

許汲侯四秩生辰詩以賀之

一脫名韁便是仙義熙甲子慶縣縣值君飛鶴稱觴日

觸我騎驢覓舉年

君降生年
余登賢書

眉婦共依齊案廡嬌兒爭

辦買鐙錢莫嫌四十猶如此喜續西林自壽篇

鄂西林
相國四

十未遇詩云看來四十猶如此便到百
年也可知其後出將入相勛業炳然

過田家極目有作四疊前韻

篝車奢望祝豚蹄春及農疇有事西碧沼魚鱗三尺漲

綠蓑犢背一犁齊籬邊花信殊嫌晚牆下桑枝不礙低

卻憶幽風圖畫裏泮宮曾請試他題

壬申入泮覆試
詩題幽風圖

寄鄧花溪同年渝州五疊前韻

行盡蜀山萬馬蹏東歸回首草堂西清才一代陳無已

美政三年宓不齊酒半花飛風信暖夜深詩就月華低

計偕忽憶邯鄲道驛館苔封沒舊題

憶舊游六疊前韻

軟草香泥趁馬蹏鞭絲鬢影畫橋西頻穿深樹鶯梭密
斜受東風燕翦齊地僻那禁紅雨落樓高頓覺白雲低
舊游七里山塘路得句敲門野寺題

夢華示東笏卿子培詩和荅一首

六花薺蔔自成林把臂入山恐不深眼底奇書探二酉
腹中壽相有三壬鳥飛已覺青雲幻駒逝休嗟白日駿
料得綠楊門巷裏一盦鐙火證禪心

兩君精於禪悅

二月初六日淑卿夫人冥祭感賦用夢華韻

料峭春風冷不支月華仍照舊羅帷多情青鳥慳傳信
浩劫紅羊總弗知春賃曾依皋氏廡計車罷訪習家池
夫人病亟余爲罷春官試結褵夫壻今無恙贏得蕭疏兩鬢絲

陳簡墀中丞屬題並蒂蓮圖

圖爲翁覃溪先生家藏

活色生香寫並頭藕絲鄉裏足風流畫中詩意詩中畫
都付賢郎作蹇修

蘇齋風日美清妍不作鴛鴦便作仙一樣淩波風景異
挑鐙重話太平年

亭亭相對復相當宛在瀟湘水一方彈指百年文物盡
三年前已感滄桑

莫緣婚嫁累吟身五嶽尋真意倍親猶賸西陵一坏

土與君俱是種松人

崇陵工次余與君俱捐廉種松奉旨嘉獎

與曉南夜話七疊前韻

厖馬同槽無嚙蹏責言差免比鄰西純肥鱸美幾先覺
雀後螳前理亦齊窗草不除新綠滿庭花猶唱小紅低
年來申浦同漂泊忍憶襟曾漢上題

和夢華西園東乙盦韻

揚馬文章異曲同西園珠玉唾隨風官清心可盟淮水

望峻人如愛皖公

兩君均官皖

早起看雲窗捲綠夜深聽雨

燭搖紅坡仙雋語堪持贈春在先生杖履中

喜簡堦過訪八疊前韻

嘶風塞馬倦征蹏得見長安日已西
隔世滄桑經眼過成行兒女與肩齊
一斑窺豹身將隱十倍登龍價不低
回首密雲風雪夜廿年舊夢忍重題

題朱曼伯方伯歸舟載石圖疊前韻

梁園作客素心同先我收帆遇順風
萬口刊碑銘二室一官敝屣視三公
醉吟花下新醅綠承東約徐園看梅血盡松

間老淚紅崇陵工竣君捐鉅金種松便欲從公借蓑笠三生重證

短篷中

近郊極目忽動歸思九疊前韻

滑澣春泥沒馬蹏東家流水入鄰西碧瓌代瓦魚鱗細
紅板當門雁齒齊芳草緜緜思道遠層陰漠漠覺天低
剪刀風斷還鄉夢鐵柱名高未敢題

花朝日子展招飲卽席賦酬并示坐中諸君子

飲我百花生日酒一尊風雨話鐙前道南宅近超然社

子修先到樊山綱齋以詩社事未到子展昔與樊山望衡而居樊山近買宅與余比鄰城北人來

小有天子展召小有天庵人治具極精腴積餘深讚之絕似山陰三月禊雪程談琅

聊故已饒春色二分妍梁園游倦節庵甫自崇陵回朱顏老曼伯

年逾八秩精神極健輸與劉郎最少年坐中聚卿年最少

舒直夫都護自西湖歸並憶傳沅叔津門十疊前